



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Martyrivm Sanctissimæ Virginis Luciae: quæ passa est Syracusis anno Christi 303. Marcelli Papæ 7. Diocleti. & Maxi. 20. Ex eo quod extat apud V. P. Laur. Surium.

urn:nbn:de:hbz:466:1-42787

ducti: quorum alij agrè quidem & vix ingenti pecuniæ summa redimi potuerat: alij hætenùs nullo modo. Atq; ista, mi frater, non frustra equidè dicendo profecutus sum: sed vt cognoscas quætæ, & quàm acerbæ calamitates apud nos obtigerint: quas qui fuerint magis experti, plura de illis & sciunt, & dicere possunt.

MARTYRIUM SANCTISSIMAE VIRGINIS Lucia: quæ passæ est Syracusis anno Christi 303. Marcelli Papæ 7. Diocleti. & Maxi. 20. Tom. 2. Ex eo quod extat apud V. P. Laur. Surium.

Teste C. Baron. Annal. Tom. 2.

CVM Syracusani per milliaria propè quinquaginta ad Catanensium urbem, sepulchrum beatæ Agathæ, fama sanctitatis & martyrij gloria per vniuersam Siciliae prouinciã celebrissimæ visitaturi confluerent: Lucia quoque Syracusanorum nobilissima & virgineo candore nitidissima, cum matre sua Eutychia, pariter festiuitatis gratia inuitante, eò perrexêre. Porro Eutychia continuis quatuor annis sanguinis profluuiò miserimè vexata nulla medicorum arte curari poterat. Cumque ad diuina peragenda mysteria,

13. Decem. En antiquâ consuetudinè sanctorum sepulchra visitandi.

Marc. 5. Matth. 9.

lectio Evangelica recitata esset, quæ mulierem simbria vestimenti à fluxu sanguinis liberatam habet, Lucia ad matrem conuersa: Si, inquit, lectis fidem adhibes mater, crede Agatham pro Christi nomine passam hoc meruisse, vt facile ab eo quiduis impetrare possit, pro cuius nomine passæ est. Continge ergò eius sepulchrũ, quæ Christo perpetua charitate vnita est, & salutem consequeris.

Zz 4 Igitur

*Agatha Lucia
eius praedicat
Syracusana
ciuitatem
eius marty-
rio decoran-
dam.*

*Virgo Lucia
facultates
suas distri-
buit egenis.*

*A Sponso suo
accusatur.*

Igitur peractis omnibus cum populus ab-
scelisset, mater & filia ante sepulchrum pro-
stratae cum lachrymis sanctissimae Martyris sus-
fragium deuote implorarunt. Et ecce dum o-
rationis prolixitate grauata Lucia a somno
corripitur, videt ipsam Agatham in medio
Angelorum coruscantibus ornatam gemmis
ita dicentem: Soror mea Lucia, quid a me petis
quod ipsa continuo praestare poteris? Nam &
matri tuae fides tua subuenit, & illa pristinae sa-
nitati restituta est, & sicut per me Catanensium
ciuitas sublimatur a Christo, ita per te Syracu-
sana decorabitur: quia iucundum Christo in
tua virginitate habitaculum praeparasti. His
auditis Lucia a somno excitata tremens accla-
mat matri: Mater mea, Mater mea: ecce sana fa-
cta es. Per ipsam deprecor, cuius beneficio sa-
nitatem obtines, ne vnquam mortalem mihi
sponsum nomines, neue de corporis mei po-
steritate mortalitatis fructum inquirere velis:
sed omnia quae eunti mihi ad corruptionis meae
auctorem, hominem moriturum, datura es, da
potius tudenti ad integritatis meae auctorem Do-
minum Iesum Christum. Nec mora: Mater sa-
lutari prudentissimae filiae consilio inducta, re-
rum suarum distractionem fecit alacriter: cal-
que pauperum necessitatibus quotidie impen-
dens, de solis aeternis cum filia perpetuo phi-
losophabatur.

Interea cum praediorum gemmarumque di-
stractio ad sponsi noticiam perueniret, is indi-
gnatione commotus apud Paschasium Praefe-
ctum eam, quod Christiana esset, & contra Au-
gustorum leges vitam institueret, accusauit.

Quam

Quam ille corripens cum ad dæmonum sacrificia inuitaret, Lucia impio respondens; Sacrificium, inquit, viuum & immaculatū apud Deum & patrem hoc est, visitare viduas & orphanos in tribulatione eorum. Ego verò toto hoc triennio sacrificium hoc Deo viuō gratissimum obtuli. Iam quia nihil super est quod offeram, me ipsam Deo hostiam viuētem libens sacrifico. Quod ipsi placet, de hostia sua faciat.

Cumque hæc inter & alia multa, nec precibus, nec minis virginem ad idolorum cultum perducere posset, imò tanto magis incensam videret, ad celebrandas Christianæ fidei laudes, quanto magis ipse eam à sententia auertere conabatur; Cessabunt, inquit, verba, cum ventum fuerit ad verbera. Cui Virgo; Dei seruis verba deesse nō possunt, quibus à Christo Domino dictū est: Cum steteritis ante Reges & Præsides, nolite cogitare quomodo, aut quid loquamini; dabitur enim vobis in illa hora quid loquamini: non enim vos estis qui loquimini, sed Spiritus sanctus qui loquitur in vobis. Quam cum Paschasius interrogasset. Estne ergo in te Spiritus sanctus? Respondit illa: Castè & piè viuentes (vt testatur Apostolus) templum sunt Spiritus sancti. At ille: Iubebo te ad lupanar duci, vt te Spiritus sanctus deferat. Cui Virgo: Siquidem inuitam me iuferis violari, castitas mihi duplicabitur ad coronam; nunquam enim inquinatur corpus: nisi de consensu mentis. Sed enim tametsi in manu meo thura ponas, & per manum meam sacrificijs iacias: Deus hæc attendit & irridet: de

*Jacob. 1.**Sapientist.
mè respon-
det Iudic
S. Lucia.**Matth. 10.**1. Corint. 3.*

*Præfectum
dum eam ad
lupanar vult
pertrahere,
nulla vi loco
moueri po-
test.*

*Ab igne ni-
bil læditur.*

*Gladio iras-
fixa d. n. su-
peruicit.*

*Paschasius
præses ple-
bitur capite.*

*Moritur
virgo sacra-
tissima.
Teste Ioan.
Molan. In
Annot. Mar-
tyr. V. suardi.*

sensibus enim & voluntatibus iudicat.

Quibus auditis Paschasius ira inflat mar-
Luciam eò pertrahi iussit, vbi virginitas eius
violaretur: sed diuinitus factum est, vt tanto
pondere firmaretur, vt nulla vi de loco dimo-
uere possit, Quamobrem Præfectus in eius cir-
cuitu copiosum iussit excitari rogam, eamque
pice, resina, ac feruenti oleo perfundi, vt flam-
mis absorpta nullam sui memoriam relin-
queret. At illa in medijs flammis illæsa per-
manens: Ego, inquit ad Præfectum, à Domino
Iesu Christo martyrij mei inducias obtinui,
vt credentibus timorem tollerem passionis, &
non credentibus vocem insultationis auferre.

Hac tanta Martyris virtute angustiari Pa-
schasium non ferentes amici eius; indignabi-
di gladium in eius viscera mergi fecerunt. Quo
vulnere accepto nõ quidem statim expirauit,
sed quamdiu voluit orationi intenta, pacem
Ecclesiæ breui reddendam gratulabunda tur-
bæ circumstanti annunciauit. Hæc loquente Dei
famula, visceribus iã gladio patefactis, ante
oculos eius Paschasius crudelitatis minister
ferro vincus ducebatur. A Siculis namque ac-
cusatus, quod prouinciã prædatus fuisset, Ro-
mã catenis ligatus perductus fuit: vbi capitale
sententiã scelerum suorum præmium accepit.
Christi autem martyr eodẽ in loco consistens
non prius spiritũ emisit, quã viuificis munera
sacramētis supremã cū insita pietate oratione
pergisset, & sacerdotes Amen pronũciaissent.
Corpus eius post varias trãslationes postremo
translatum est a Metim urbem Galliæ vbi etiã
num in Ecclesia S. Vincentij requiescit.

MARTY.